

Gih Raeuz Gak Dieg Yawjnaek Guh Gwzming Cenz- dungj Gyauyuz Nem Gyaez Guek Cuiyi Gyauyuz

我区各地注重开展革命传统教育和爱国主义教育

Daj haeuj ndwen 4 daeuj, gih raeuz gak dieg aeu “ciet cingming baet moh hozdung” gihvei, aeu “dauq un vwnzva saeknding, ciepcienz sieng-muengh gvanghyungz” guh cawjdaez, cujiz ginzung, hagseng guh lai cungj lai yiengh gwzming cenzdungj gyauyuz sizcenj hozdung caeuq gyaez guek cuiyi hozdung. Bwzswz Si Lanzenh Hihvang Siujyoz、Yungzsuij Myaucuz Swciyen guh hozdung hoenghwdhwd. Gyoengqde guh hozdung cujau neiyungz dwg: Youq laj geizguek gangj vah, “dauqngex gwzming senhle, hungzyangz gyaez guek cingsaenz”、baet moh lezsw、youq gwnz vangj caeq lezsw、“ra rizdin bouxhungmbwk, ciepcienz gwzming cingsaenz”. Doenggvaq guh gij hozdung neix, sawj gyoengq hagseng ndaej daengz baez gwzming conzdungj gyauyuz caeuq gyaez guek cuiyi gyauyuz yiyl laegna ndeu.

(Veiz Yengingz Liu Swjyenh/韦艳琼 廖子渊)



▲ Bwzswz Si Bwzswng Lanzenh Hihvang Siujyoz hagseng gag guh va caeq lezsw.



▲ Bwzswz Si Bwzswng Lanzenh Hihvang Siujyoz hagseng youq gwnz vangj caeq lezsw.



▲ Youq Yungzsuij Myaucuz Swciyen Yungzsuij Cin, gyoengq dangjyenz youq baihnaj Suijdunghcunh Gwzming Lezsw Gijnenbeih guh senhsi.



▲ Youq baihnaj Suijdunghcunh Gwzming Lezsw Gijnenbeih, boux Myaucuz hagseng ndeu bang boux banlaux gwzming Liujbwz haed hungzlingjinh.



▲ Youq Yungzsuij Myaucuz Swciyen Yungzsuij Cin, gyoengq hagseng youq baihnaj Suijdunghcunh Gwzming Lezsw Gijnenbeih guh gingqlaex.

Lungzcouh:

Ciet Bauqva Ndeiyawj Raixcaix

龙州：花炮节精彩纷呈

4 nyied 3 hauh, dwg seiz vamoegmienz hai ceiq angj. Youq seiz va hai roeg heuh vunz angq neix, Lungzcouh Yen Sangginh Yangh Ginzgyangh Cunh gawjbanh le ciet bauqva hozdung. Ciet bauqva aen mbanj neix gaenq miz bak bi nanz lo. Moix baez gawjbanh ciet bauqva hozdung, cungj yinx gyoengqvunz yangh wng daeuj yawjngonz. Ngoenzde, cawz guh ciengj bauqva le, lij guh vwnzyi byaujyem dem. Aen hozdung neix ndaej daengz vunzlai haenh ndei. (Cinz Youjcaiz Cinz Vanzfungh/ 陈有才 陈涸锋)



▲ Gyoengqvunz ciengj bauqva haenq dangqmaz.

◀ Vwnzyi byaujyemj ndeiyawj raixcaix.

Sanhgyangh: Mbawcaz Rangfwdfwd

三江：满山茶飘香



Haeuj cin daeuj, Sanhgyangh Duncuz Swciyen gyoengq bouxndaemcaz couh nyaengqfaengfaeng hwnjdaej lo. Gyoengqde nyaengq mbaet mbawcaz, gyagoeng caeuq gai mbawcaz. 14.8 fanh moux reih mbawcaz youh ndaej demsou. Bineix geiq daih'it, daengx yienh ok cazhawq dabdaengz 350 dun, dwg daj bi 2003 daeuj laebdaeb 11 bi ndaej demsou. (Liengz Gwzconh)